

Wakati wa Kutafakari

Bali sheria ya Bwana ndiyo impendezayo, Na sheria yake huitafakari mchana na usiku—**Zaburi 1:2.**

Tafakari yako ya mwisho usiku, tafakari yako ya kwanza asubuhi, inapaswa kuwa Yesu ambaye ndani Yake ni kitovu cha tumaini lako la uzima.

Wengi wanaonekana kutopenda nyakati zinazotumika katika kutafakari na kuyachunguza Maandiko na maombi, kana kwamba, muda uliotumiwa umepotezwa. Natamani wote mngeangalia mambo haya katika nuru ambayo Mungu anawataka; kwa maana mngeweza kuupa ufalme wa mbinguni umuhimu wa kwanza.... Kama ambavyo mazoezi huongeza hamu ya chakula na kuupatia mwili nguvu na nguvu zenye afya, ndivyo ambavyo mazoezi ya kufanya ibada yanavyoleta ongezeko la neema na nguvu za kiroho.

Mungu ndiye kitovu cha upendo. Tafakari ukuu Wake, rehema na ubora wa uzuri Wake. Ruhusu wema Wake na upendo na ukamilifu wa tabia Yake viuvutie moyo wako. Zungumza juu ya uzuri Wake Mtakatifu na makao ya mbinguni anayoyaandaa Yesu kwa ajili ya waaminifu. Yeye ambaye mazungumzo yake yako mbinguni, ni Mkristo mwenye manufaa kwa wote wanaomzunguka. Maneno yake ni yenye maana na yanayoburudisha. Yana nguvu ibadilishayo juu ya wale wanaomsikiliza.

Kuna uhitaji wa kudumu wa kuwa na ushirika wa faragha na Mungu. Lazima tumruhusu Roho Mtakatifu akae ndani yetu ikiwa tunataka kujumuika na wengine. Hatuwezi kukabiliana na Shetani na mawakala waliojumuika naye isipokuwa tumetumia muda mwingi katika kushirikiana na Chanzo cha nguvu zote. Kuna wakati tunapaswa kuwa mbali na sauti za masumbuko ya dunia na makelele ya wanadamu na ukiwa katika maeneo tulivu uisikilize sauti ya Yesu. Kwa kufanya hivyo tunaweza kuonja upendo Wake na kuhifadhi akilini Roho Wake. Hivyo tutaweza kuifisha nafsi. Njia hii ya utendaji inaweza kuonekana kutowezekana katika akili ya mwanadamu. "Sina muda," unaweza ukasema. Lakini pale utakapolizingatia jambo jinsi lilivyo katika uhalisia wake, huwezi kupoteza muda, kwa maana unapojipatia nguvu na neema itokayo kwa Mungu tu, huikamilishi kazi. Ni Yesu ndiye atendaye kazi. "Pasipo mimi" anasema Kristo, "ninyi hamuwezi kufanya neno lo lote." Yohana 15:5.... Tafakari na maombi ya kina vitaamsha juhudi takatifu.